

delt vnd ablegt die pusz, vnd gnugthuūge, ist offenbar,
das nit mag sein, die pusz die Christus yn seinem diszein
wort auffleget, die der. h. U. Papst inder schuldig ist
auffzulegen, dan kein Christen, sondern sein, die der. h.
U. B. vnd kirchen in ihrem wort aufflegen. Anders we
re der. h. U. B. vnd die kirche vorstorer des gotlichen
wortes. Siehe nu wie disze vorlegere dē. h. U. B. eerē
mit ihrem vnchristlichen schmeichlen, das sie ihm schult
geben (doch mit grossen eren vnd erbietungen) er czurs
prech gottes gebot, in dem sie sagē. er nachlaße die gnug
thuūg die in dem wort Christi gepoten vnnnd auffgele
get ist. Daraufz weiter folget, das das ablas, nit anders
were, dan lauter liegen vnd triegē. Sintemal sie das vor
messen, nach czulassen, vnd vergeben, des sie keinen ge
walt haben.

*Ablas ist
ein
trug*

Zum andern, das er so viel tausent lerer einfurt, hatt
er die nit recht vberlegt, vnnnd die rechenpfennig czu
hoch erhebt, er het ihr sunst nit vil vber drei funden. Nē
lich S. Thomas. S. Bon. Magister Sen. Alexā. de ha
lis, die anderē, als Anto. De. Dalu. Aug. Anco. Ange
lus vnd der gleichen seind nichts, dan iaherrn vnd fol
ger, darczu ist keiner vnder disen allenn sampt, der do
sprech adder bewere, das die nachgelasne gnugthuūge
durch ablas, sei die Christus gepotenn habe, vnnnd wer
anders sagt, d. sagt das sei, mit gewalt vñ vnere d. selbē

Schickt ja herzu

Auch geschicht den selben heiligen, vnd wirdigen les
ern, gross gewalt vnd vnrecht von den lesteren vorles
ger, das sie das, fur bewerte vnnnd gegründte warheit
aufclaffen, das die lieben vetter fur opinien vnd vnge
wisse wahn gehalten vnnnd geredt haben, darczu mit
bloßen wortē an alle bewerūg gesetzt. Ja auch nit inder
haben kunden reden, dan opinien. Sintemal nit bei ihm,
sonder bei gemeinem Concilio die gewalt ist, schlislich
die warheit czuordcleren, die an schrift geredt wirdt.

*Nicht viel in
sünde
machen
sollen*

Die weil nu sulche vorlesterer, der lieben vetter, wes
nen vnd ihre eigē vornemene schlusz, in eināder brewē,
ists nit wunder, das sie vns ein sotte machen, daran einē
grawen mocht.

A ũ

3